

Fastnacht 1929



D' Grättimanne

Sitt d'Saffa z'Bärn erfolgrych gsi isch,
Im Ma sy Rénomé au hi isch:
Nur Grättimanne sinn mer no —
Drum simmer e so do ane ko!
Mit uns singt laider kai Heer Burget
Und au kai Sarasi, kai Furget;
Derfir isch e «Horburget» do —
d Sprooch wird entsprechend useko!

Will d'Saffa z'Bärn isch Mode gsi,
Do seggen alli Wyber hi —
Dr Ma het kenne Triebzal blose —
Sit däm Dag trage d'Wyber d'Hosel Jopeidieida!
Doch 's kunnst au wider unseri Zyt,
Wo nimm dehaim e Zedel lytt:
«Wenn d'harti Aier wottsch, denn nimm se —
Dr Käs liggt uff em Fänschtersimsel»
Jopeidi-und-jopeida... Jopeidieida!

Wenn aimol e Biamte dänkt,
So merkt me gly, wo's ane längt;
Denn: dänkt er — mues er umsverregge
Sy Akteglumps in Rhy go stegge! Jopeidieida!
's wär fir e mäng Departemänt
Die schlächtesti Leesig nit am Aend,
Und 's Best wär mängmol; derft me's tue,
Me leggti d'Chef grad au derzue!
Jopeidi-und-jopeida... Jopeidieida!

Wenn's Belmont's ihre d'Schnyzge drifft,
So gäbt er em am liebste Gift:
Die Mailigschicht het arg verdrosse,
D'Frau Doggter hätt am liebste gschosse! Jopeidieida!
Doch's Schiesse hätt do ganz nyt gnutzt,
Es hätt jo d'Schnyzge doch nit putzt...
Vyl meh putzt ihn e Wuet, kai glaini:
's Belmont's hänn Dienste... är het kaini!
Jopeidi-und-jopeida... Jopeidieida!

Me het sich's z'Basel nit loh näh
E Winterradrennbahn het's gä;
Dert schwaissesele's und stingg's schynt's arg,
Doch jugg's aim fein im Ruggemargg! Jopeidieida!
Vyl wichtiger wär 's Hallebad,
Drum mach jetz ändlig vora, Staat!
Dert kennt denn mängi Blauderdäsche
Sy dummi Groossrotschnure wäsche!
Jopeidi-und-jopeida... Jopeidieida!

D'Moral goht langsam ganz kaputt,
Denn hitte zieht hald nur no 's Blut,
Das kasch in jedem Variété
Und mängmol au im Dancing gseh! Jopeidieida!
's git Glägehaite gnueg, du Dotsch,
Wo d'finde kasch, was d'suechsch, wenn d' wottsch:
Isch's scheen, gohch ins Freilicht-Casino,
Isch's wiescht — in ain vo sächzäh Kino!
Jopeidi-und-jopeida... Jopeidieida!

Oh Bummica, oh Hugo Bummi,
Oh frächi, grossi Schnure, dummi —
Was hangsch am Gratis-Telephon?
Ziehst Du fir das vom Staat dr Lohn? Jopeidieida!
Hättsch Du die vierzigtausig Stai
Vom Camille kriegt, denn miechtsch kai Gschral!
Denn liesstisch au dr Z'gragge Du go —
Du bassisch halt zem Camille, Hugo!
Jopeidi-und-jopeida... Jopeidieida!

Jetz het sogar au d'Hailsarmee
Ihr Hail nur imme Kriegli gseh —
Der General isch nimme gfellig,
Me sägt en ab als iberzellig! Jopeidieida!
Mir wissten en Ersatz, wo frei isch,
Und won em 's Singe nimme nei isch:
Als General zueglych e Kaiser —
Ex-Liedertafele-Präses haiss' er!
Jopeidi-und-jopeida... Jopeidieida!

Wo d'Elifante sinn spaziere,
Wie lycht hätt's kenne do bassiere,
Si wären uff dr Seibi z'nacht
Und hätte dert Furore gmacht! Jopeidieida!
Der Z'gragge haig si schynt's au gseh,
Und haig sich dänkt, 's wär nätt, persé,
Die nähmten emol dr Camille här —
Denn fielt ihm 's Schnuufe nimm so schwär!
Jopeidi-und-jopeida... Jopeidieida!

Besuchen Sie den Schluß-Abend der Comité-Schnitzel-
bänke, Sonntag, den 24. Februar im Musiksaal.
